

PONTEAREAS

A N U N C I O

De conformidade cos artigos 17.3 e 17.4 do RDL 2/2004 de 5 de marzo polo que se aproba o Texto Refundido da Lei Reguladora das Facendas Locais, publícanse os textos íntegros das Modificacións de Ordenanzas Fiscais e de Prezos Públicos para o exercicio 2008 aprobadas definitivamente en sesión plenaria de 26 de decembro de 2007, así como os textos íntegros das Modificacións de Ordenanzas Fiscais e Prezos Públicos que quedan elevadas automaticamente a definitivas unha vez rematado o período de exposición pública:

1. A) MODIFICACIÓN DO ANEXO DA ORDENANZA NA TAXA POR ENTRADAS DE VEHÍCULOS A TRAVÉS DE BEIRARRÚAS E RESERVAS DA VÍA PÚBLICA PARA APARCAMENTO EXCLUSIVO, PARADA DE VEHÍCULOS, CARGA E DESCARGA DE MERCADERÍAS DE CALQUERA CLASE

“PRIMEIRO. TARIFA

A) Por cada entrada en almacén e comercios, metro lineal, ao ano	11,92 €
B) Por entrada de garaxes, talleres destinados á construción e reparación de toda clase de vehículos e demais industrias, por metro lineal ao ano	15,90 €
C) Por cada entrada particular, metro lineal ao ano, no casco urbano	9,88 €
D) Por cada entrada particular, metro lineal ao ano, nos barrios de Canedo, San Vicente e As Cachadas, deducírase un 20% das tarifas sinaladas no apartado C.	
E) Por cada entrada particular, metro lineal ao ano, no extrarradio e parroquias, deducírase un 40% da tarifa sinalada no apartado C.	
F) Reservas permanentes para autotaxis ou vehículos de aluguer ao ano	135 €

GARAXES

Por cada vehículo de capacidade nos garaxes industriais de aluguer	7,15 €
Por cada vehículo de capacidade nos garaxes privados ou de servizo público	6,41€.”

1. B) MODIFICACIÓN DA ORDENANZA FISCAL PARA A RETIRADA E DEPÓSITO DE VEHÍCULOS DA VÍA PÚBLICA REGULADORA DA TAXA POR INMOBILIZACIÓN OU RETIRADA DE VEHÍCULOS DA MESMA

“ORDENANZA FISCAL PARA A RETIRADA E DEPÓSITO DE VEHÍCULOS DA VÍA PÚBLICA REGULADORA DA TAXA POR INMOBILIZACIÓN OU RETIRADA DE VEHÍCULOS DA MESMA

ARTIGO 1.—FUNDAMENTO E NATURALLEZA

No uso das facultades conferidas polos artigos 133.2 e 142 da Constitución e polo artigo 106 da Lei 7/1985, de 2 de abril, Reguladora das Bases de Réxeme Local, LRRL (BOE núm. 80, de 03/04/85), e conforme ó disposto nos artigos 15 a 19 do Real Decreto Lexislativo 2/2004, de 5 de marzo polo que se aproba o Texto Refundido da Lei Reguladora das Facendas Locais, o Concello de Ponteareas, establece a taxa polos traballos de retirada de vehículos da vía pública.

A taxa por retirada de vehículos da vía pública rexeráse pola presente Ordenanza Fiscal e pola Ordenanza Fiscal Xeral sobre Xestión, Recadación e Inspección dos Tributos Locais.

ARTIGO 2.—FEITO IMPOÑIBLE

1. O feito imponible está determinado, pola prestación do servizo de recepción obrigatoria da retirada, traslado e almacenaxe do vehículo, producíndose o feito pola iniciación das actividades.
2. A prestación do Servizo aplicarase os vehículos indebidamente estacionados, os que obstrúan o tráfico polas rúas, os que estacionen en lugares prohibidos, os abandonados e cantos se encontren en circunstancias análogas en zonas de regulación e ordenación de aparcamentos, de acordo coas disposicións municipais que regulen o servizo.

ARTIGO 3. SUXEITO PASIVO

1. Son suxeitos pasivos en concepto de contribuíntes, as persoas físicas e xurídicas e as entidades a que se refire o artigo 36 da Lei Xeral tributaria que resulten afectadas pola prestación do servizo que orixine o devengo da Taxa.
2. A falta de proba en contrario, se entenderá que o afectado pola prestación do servizo é o titular que figure no permiso de circulación do vehículo.

ARTIGO 4.—RESPONSABLES

1. Serán responsables solidarios da obrigação tributaria do suxeito pasivo, as persoas físicas e xurídicas a que se refire o artigo 42 da Lei Xeral Tributaria.
2. Serán responsables subsidiarios as persoas e entidades, nos supostos e co alcance que sinala o artigo 43 da Lei Xeral Tributaria.

ARTIGO 5.—COTA TRIBUTARIA

1. A cota tributaria será determinada nunha cantidade fixa sinalada segundo o tipo de vehículo e, no seu caso, pola tonelaxe do mesmo, e para o depósito, o tempo de estancia no mesmo, no lugar que se designe dentro do termo municipal, conforme as seguintes tarifas:

1. Por enganche de vehículo de tracción mecánica sen traslado a depósito	20 €
2. Taxa por remolque ata depósito, segundo as categorías seguintes:	
a) Motocicletas, ciclomotores, triciclos, motocarros, bicicletas, vehículos especiais e demais vehículos análogos ata 350 kg. de Tara	40 €
b) Automóbiles turismos, camionetas, furgonetas, vehículos especiais e demais vehículos de características análogas ata 1.200 kg. de Tara	50 €
3. No caso de retirada de vehículos con peso superior a 1.200 kg. de Tara, a cota tributaria será igual ó importe facturado polo servizo de grúa específico que contrate o Concello de Ponteareas para proceder á retirada do vehículo, sendo aplicable así mesmo o indicado no artigo 6 desta Ordenanza.	
4. As tarefas esixidas por inmovilización de vehículos por calquera medio mecánico ou cepos, consistirán en cada caso no 50% das indicadas no punto 2 deste artigo e incrementados nun 20% por cada 1.000 kg. de Tara o sobrepasar os 1.200 kg ou fracción.	
5. Inclúense na tarifa do punto anterior os vehículos inmovilizados voluntariamente polos seus titulares por avarías se despois de 40 horas o interesado non adoptara medida ningunha. Para estes efectos non se considerará avaría a carencia de combustible, suposto no que se operará como se dun vehículo infractor se tratase.	
6. As tarefas indicadas neste artigo serán complementadas cos importes correspondentes ó depósito e garda do vehículo dende a súa retirada, conforme ó seguinte cadro:	
a) Motocicletas, ciclomotores, triciclo, motocarros, bicicletas, vehículos especiais e demais vehículos análogos ata 350 kg. de Tara:	
Por medio día ou fracción inferior	4 €
Por cada día ou fracción seguinte	8 €
b) Automóbiles turismos, camionetas, furgonetas, vehículos especiais e demais vehículos de características análogas dende 351 kg. ata 1.200 kg. de Tara:	
Por medio día ou fracción inferior	6 €
Por cada día ou fracción seguinte	10 €
c) Vehículos con tara superior a 1.200 kg:	
Por cada medio día ou fracción inferior	12 €
Por cada día ou fracción seguinte	15 €

ARTIGO 6. DEVENGO

A obrigação de contribuír nace devengándose a taxa, no momento no que interveñan os axentes municipais co fin de retirar, trasladar ou inmovilizar os vehículos, e cando se inician as labores tendentes o enganche do vehículo estando colocados os ferraxes sobre o mesmo e en disposición de ser elevado. O feito imponible da taxa por enganche do vehículo abarcará a suspensión da retirada do mesmo, se o conductor comparece antes de que o guindastre inicie a marcha co vehículo enganchado, e toma as medidas necesarias para cesar a situación irregular na que se encontraba.